

興義府志卷三十八目錄

古蹟志古碑附 古

興義府古碑明東京嶽廟碑

明明十城八先廟生處碑

臨道使者碑

興義縣古碑明景陵雙鼎墓誌

安南縣古碑明石城隍廟碑 明明修玉皇閣鑄像記

明安南學三田記

明飲馬池碑

明明小蘭亭碑

明欲飛石題字

明明建十城碑

天塹金龜碑

古玉袞袞古鐘

雲裏驚虹碑

古觀音手

興義府志

卷三十八 目錄

一

貴陽文通書局代印

古皂莢樹

古古櫚樹

古核桃樹

古古冬青樹

古古柳栗

興義縣古物古金柏光佛像

古古龍神廟古樹

普安縣古物古虎石背石

古古仙人插指石

安南縣古物古石刀龍

古古達摩石像

古古石爐

古古阿黑河古樹

貞豐州古物古龍球石

古古厚朴樹

興義府志卷三十八

興義府知府張鎡纂修

古蹟志

古碑

舊志未載古碑。今訪求補志。然郡境無周秦兩漢碑。惟明碑頗多。特備志之。碑文業分載各志中。不復載。至國朝之碑。初非古碑。且載不勝載。故不載。其文關掌故者。別附載各志。而古物則以類附焉。志古碑古物。

興義府古碑

明京觀碑。在北門外接官亭北。

按明萬歷四十三年。安隆所之阿能土目郎剛郎暴郎很反。射殺

興義府志

卷三十八 古碑

一

賈陽文通書局代印

安隆長官司岑軾。巡撫張鶴鳴檄總兵許齊擒斬之。瘞首于今府城北門外。接官亭北半里。大道旁。樹碑曰京觀。取左氏傳。鋒鯨鯢封尸以爲京觀之義。以垂炯戒。碑鐫四大字曰。底定雄圖。碑陰紀事之文。剝蝕不可讀。今土人訛呼京觀爲京碑。

明盧英城隍廟碑。在南門內城隍廟。

按碑在城隍廟。明崇禎十六年修廟。普安州官生盧英。撰文勒石。

碑文見祠祀志。城隍廟條。

明任之聰東嶽碑。在南門內東嶽廟。

按碑在東嶽廟。廟爲明永樂十五年建。明末永明王居安隆所。改爲安龍府。其安龍府同知任之聰修廟。撰文勒石。碑文見祠祀志。東嶽廟條。

明十八先生成仁處碑。昔在北門外馬場。今亡失。光緒九年。知府余燠補於麓。

之石上以
垂不朽

明史云。建廟于馬場。勒碑。大書十八先生成仁處。以旌其忠。

按碑舊在馬場。今亡失。

臨道使者碑。在東門外玉皇閣。

按碑在玉皇閣大門外。凡二碑。皆鐫人物竹樹。上鐫六言二絕句。

署名臨道使者。不知何代人作。詩見祠祀志
玉皇閣條

興義縣古碑

明景雙鼎墓誌。在縣北之黃坪營。景雙鼎墓。

按碑在黃坪。景雙鼎墓。雙鼎于明洪武中。為太祖克取今之郡地。

以功封定遠侯。官至都督同知。卒葬于黃坪。詳武功傳。墓誌見
武功傳

明李國忠城隍廟碑。在縣東之魯屯。

興義府志

卷三十八 古碑

二

賈陽文通書局代印

按碑在魯屯。明成化十八年。錦衣衛掌印千戶李國忠。修城隍廟。撰文勒石。魯屯有城。故有城隍廟。今魯屯之城。即明之普安衛中左所城也。

安南縣古碑

明王廷瑞城隍廟碑。在西門內城隍廟。

按碑在廟內。廟為明洪武中建。嘉靖二十四年修廟。王廷瑞撰文

勒石。廷瑞。安南人。官大姚知縣。碑文見祠祀
志城隍廟條

明郭子章玉皇閣鑄像記。在南門外玉皇閣。

按碑在玉皇閣。閣為明正德中建。萬歷中修。安南薦紳彌勒州知州陳垓。鑄玉皇像。巡撫郭子章。撰文勒石。子章。字青螺。泰和人。碑文

見祠祀志
玉皇閣條

明梁森玉皇閣石壁記。在南門外玉皇閣。

明梁森修玉皇路記。在南門外玉皇閣。

按二碑。並在玉皇閣。森安南人。官遂甯知縣。碑文見祠祀志。玉皇閣條。

明汪克昌安南學三田記。在學宮內。

按碑在學宮內。明安南學。有學田、祭田、科貢田。是爲三田。萬歷中。

汪克昌撰記勒石。克昌安南人。碑文見學校志。試費條。

明尾灑驛碑。在縣城南。

按碑在城南。尾灑驛。爲明洪武中置。碑載明時驛制。稱設管驛千戶一。命普貊營馬。乃營必黑營。阿計營。四營輪供芻牧。其碑文。安南志節引之。今碑剝蝕不可讀。

明林喬南飲馬池碑。在縣南三里飲馬池上。

興義府志

卷三十八

古碑

三

賈陽文通書局代印

按碑在池上。明參政林喬南。大書四字勒石曰。甘泉聖跡。至

國朝總督蔡毓榮。又書四字勒石曰。且以飲人。其側。又有巡撫黃國材。撰文紀事一碑。

明宋方麓鴉關碑。在縣南三里鴉關。

按碑在鴉關飲馬池側。明萬歷中。蜀人宋方麓。書四大字曰。雲陵山色。鐫于道旁之山麓石上。碑側。又有一碑。爲江夏程封書四大字。曰。鳥道千重。亦鐫于山麓石上。

明鄧子龍欲飛石題字。在文廟後。

安南志云。石在城內文廟後。廣數丈。明總兵鄧子龍。書欲飛石三字。鐫石。畫寬尺許。

明小蘭亭碑。在縣東一百五十里水橋。

按碑在亭側。紀亭幽勝。亭爲明萬曆中。永甯州知州。陳聖佐建。明沈翹楚鐵索橋碑。在縣東盤江鐵索橋側。

按碑在橋側。橋爲明崇禎中。叅政朱家民建。沈翹楚撰記勒石。其後修橋。

國朝經略洪承疇。總督趙廷臣。巡撫卞三元。皆有碑。碑文見河渠志。鐵索橋條。明閃繼迪建十一城碑。在縣東。

按碑在縣東。十一城。爲明崇禎中。叅政朱家民建。閃繼迪爲文勒

石。碑文見地理志。城郭條。

天塹驚虹碑。在縣東盤江鐵索橋側。

按碑在盤江鐵索橋之西。鐫四大字曰。天塹驚虹。旁鐫聯云。峻嶺不飛天外雁。驚虹常起地中雷。

興義府志

卷三十八 古碑

四

貴陽文通書局代印

雲裏金鼇碑。在縣東盤江鐵索橋側。

按碑在盤江鐵索橋之西。鐫四大字曰。雲裏金鼇。

興義府古物

大佛寺古鐘。在東門外大佛寺。

按鐘爲明宏治十四年。寺僧了悟鑄。

玉皇閣古鐘。在東門外玉皇閣。

按鐘爲明嘉靖十七年。道士邢有政鑄。

平遠將軍礮。在右營軍裝局。

按礮三。並鑄字云。永歷六年造。平遠將軍礮。長五尺有奇。至

國初。沉埋土中。嘉慶二年。郡苗變。礮忽于土中自出。乃用以守城。燃發擊死逆首大王公。斃苗無算。

古袈裟。鶴頂珠。並在大佛寺。

按今大佛寺。有紫袈裟一領。鶴頂珠一串。乃明永明王。賜月幢禪師之物。袈裟上有朱印。文曰。廣運之寶。鶴頂珠。以舌舐之。粘舌。然諦審厥形。疑是鶴膝骨。非鶴頂骨。鶴頂有毒。舐之。人立死。今舐之無毒。可決是膝骨。非頂骨也。知府周藹聯有詩。見方外傳之月幢傳後。

觀音手。在城西一里湧蓮洞。

通志云。洞中垂一石筍。色白。形如手掌。俗呼爲觀音手。按觀音手。初非石筍。叩之金聲。而色白。附于洞上之石。非石非金。異蹟也。

古躍魚石。在北門外。

通志云。在北門外綠海邊。石長丈餘。狀如魚躍。首向城門。

興義府志

卷三十八

古物

五

賈陽文通書局代印

古桃。在府署。

按古桃。在府署左平臺之後。大合抱。數百年物。桃實大如盃。味甘于蜜。較褚廷椿水蜜桃譜所云。江南上海縣顧家花園之水蜜桃。味尤美。

古皂莢樹。在府署。

按古皂莢樹。在府署左。二堂之後。黛色參天。不恒結莢。結莢。則其年知府必升階。屢徵不爽。

古桂。在總兵署。

按總兵署。有古桂五。其一。在大堂前。微欹。總兵花連布。竿直之。遂不花。亦不朽。其二。在大堂左。至善堂之前。其三。在二堂左。雙桂軒之後。皆數百年物。花開時。香聞遠近。遙望之。如黃雪。

古杉。在總兵署。

按古杉。在總兵署右之觀德堂前。凡杉六。皆大合抱。

古櫛二。一在總兵署。一在岔河寨。

按古櫛二。一在總兵署左。馬廐之側。一在城東三里之岔河寨。而岔河寨之櫛。大四五圍。尤古。考櫛之名。見于左傳。櫛音朗。其樹又名榭榆。見左傳正義。其皮入藥。考本草拾遺云。皮有滑汁。秋生莢。本草綱目云。皮治熱淋。利水道。令人睡。

古核桃樹。在總兵署。

按古核桃樹。在總兵署靜宜樓之右。

古梓。在中營遊擊署。

按古梓。在中營遊擊署後。大合抱。數百年物。

興義府志

卷三十八

古物

六

貴陽文通書局代印

古槐。在中營守備署。

按古槐。在守備署大門外。一本雙幹。黛色參天。

古冬青樹。在府署之右街。

按古冬青樹。在府署之右街。樹腹中空。穿民屋以上。挺其地。因名冬青樹。考冬青樹。卽女貞樹。俗呼爲蠟樹。試院後。舊又有古蠟樹一。今樹已毀。厥地猶名大蠟樹。

古栗一。在城東北之大栗樹汛。一在城北之巴林汛。

按古栗樹二。一在城東北四十五里之大栗樹汛。汛以樹得名。一在城北一百十里之巴林汛。大四五圍。尤奇古。

古柳。在城西之柳樹井汛。及城北之招隄。

按古柳。在城西二十里之柳樹井汛。汛以樹名。又城北之招隄。尤

多古柳。春深陰濃。鳴鳥穿飛。釣舟斜繫。有江南風景。

興義縣古物

古金光佛像。在城南五里紅巖。

按古金光佛像。在紅巖洞峭壁中。相傳大士飛身。里人建寺。祈禱輒應。其說雖近附會。既有此舊說。姑志存之。

古銀杏樹。在水精觀。

按古銀杏樹。在水精觀內。大五六圍。當是千年古樹。近樹多生大蟻。蟻尾皆白。風雨有電時。蟻尾皆射光。咸豐三年。雷擊其樹。蟻遂絕。

古柏。在水精觀。

按古柏。在水精觀大門內。

興義府志

卷三十八

古物

七

貴陽文通書局代印

龍神廟古樹。在北門外龍神廟。

按龍神廟門外。有古樹數株。亦數百年物。

普安縣古物

古虎石。在縣東南。

通志云。虎石。在普安縣東南。石形如虎。昔有虎爲害。噬民間畜。相率捕之。乃石虎也。因斷其首。怪遂滅。

古仙人插指石。在縣北八里觀音巖。

按石在觀音巖。狀如五指。相傳爲仙人插指石。

古仙人背石。在縣北十五里白石巖。

按石在白石巖。狀似人背。

安南縣古物

古刀。在漢壽亭侯廟。

安南志云。古關刀。重一百八十斤。在漢壽亭侯廟。倚于大殿石柱。鐵色蒼古。神威式憑。歲之正月初二日。邑人迎侯像出巡。肩古刀以先。俗謂之迎刀會。

古達摩石像。在縣東盤江鐵索橋之西岸。

安南志云。達摩像。在盤江西岸。就石壁鑿成。作攜履荷杖。踏蘆渡江狀。

按達摩石像。高六尺有奇。石色古黝。光潤。意元明時所鑿。行人之過鐵索橋者。多焚香再拜去。

古石龍。在鐵索橋西岸之大願寺。

安南志云。石龍。在橋西大願寺門前。鑿石成之。鱗甲挾飛動勢。

興義府志

卷三十八

古物

八

貴陽文通書局代印

古石柱。在鐵索橋西岸。

按石柱。高數丈。在鐵索橋西岸。倣伏波銅柱。以紀功者。今字多剝蝕。不可讀。

古石爐。在城北五里龍翔山。

安南志云。龍翔山。一名巍山。俗呼歪山。有石爐。在山巔洞內。高三尺餘。上琢龍鳳花草形。狀欲活。

阿黑河古樹。在縣東南十餘里阿黑河上。

通志云。安南縣東南十餘里。蹊徑幽僻。有水一泓。深不可測。大樹上覆。葉落水上。鳥輒銜去。其水導流。謂之阿黑河。

古杉。在都司署。

按古杉三。在都司署。並大數圍。高聳雲表。當是前明古樹。

貞豐州古物

古珉球石。在城北一里。

通志云。珉球石。在城西一里。按在城北山有石筍。高三丈餘。似柱。

識略云。小山。峙城之右。望同螺髻。特茁石筍。高二丈餘。色青黝。如古鐵。叩之有聲。謂之珉球石。

按珉球石。在城北隅。卽唐之明州界石也。後人譌明州石。爲珉球石。曾大倫貞豐竹枝詞云。明州石誤珉球石。其言是也。石高三四丈。徑十餘圍。下圓上銳。上下兩截。類人工所造。可決爲明州界石無疑也。知州張克綸。州人黃玉潤。黃玉華。皆有詩。見地理志第十一卷。

古厚朴樹。在州署北。

興義府志

卷三十八

古物

九

賈陽文通書局代印

張克綸老樹歌序云。貞豐州治之北。有厚朴老樹。高數丈。廣可數圍。土人謂諸葛手植。嘉慶丁巳歲。苗匪圍城。勢危急時。衆遙見城東有巨人。綠袍峩冠。天神狀。苗燃大礮轟之。屹然不動。鉛彈反射。苗驚遁。城賴以保。戡定後。獲其黨訊之。乃悟巨人立處。卽老樹處。余聞其事。奇之。父老指示。當時之鉛彈。尙在樹間。

按厚朴樹。自是古樹。老樹歌序所云。近于州人故神其說。老樹歌見第三十四卷。

古龍蟠樹。在城南十里。

按古龍蟠樹。在城南十里。樹根與石。糾合而生。如龍之蟠。高數丈。夏不結實。冬不凋葉。蔭可覆百餘人。下湧清泉。行人多掬飲之。

古花紅樹。在城西三十里那坎。

按古花紅樹。在城西三十里之那坎。大合抱。根盤數丈。皆崛盤出。土樹如張蓋。結實大如柑。色極艷麗。氣極清香。惟味極酸澁。不可食。居中一枝。狀如蓋頂。不花不實。花亦不同。好事者。每欲上觀。竟不可得。

又按志古蹟。凡三卷。較通志加詳矣。然古人遺跡。歷年既久。半多湮沒不傳。今第就所見聞志之耳。敢謂古蹟盡于此耶。好古者。續有訪得。尙望後續修者補志焉。